

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem konkurentskog zahtjeva, zaključen je:

OKVIRNI SPORAZUM o nabavci kancelarijskog materijala

Između

Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktor Edin Dilberović (u daljem tekstu: Ugovorni organ) s jedne strane i kvalifikovanih ponuđača, s druge strane, kako slijedi:

- 1. AMOS GRAF d.o.o. iz Sarajeva, ulica Džemala Bijedića broj 162, kojeg zastupa direktor Mehmedin Korjanić,**
- 2. R&S d.o.o. iz Vogošće, ulica Igmanska bb, kojeg zastupa direktor Kemal Selmanagić,**
- 3. ELKOM d.o.o. iz Viteza, ulica Divijak bb, kojeg zastupa direktor Miljana Martinović.**

PREDMET OKVIRNOG SPORAZUMA

Član 1.

(1) Strane u Okvirnom sporazumu saglasno konstatuju da je Ugovorni organ u skladu sa Zakonom o javnim nabavkama BiH proveo konkurentski zahtjev za nabavku kancelarijskog materijala, sa ciljem zaključivanja Okvirnog sporazuma o nabavci kancelarijskog materijala sa više ponuđača na period od dvije godine.

(2) Predmet Okvirnog sporazuma je utvrđivanje uslova za zaključivanje pojedinačnih ugovora o javnoj nabavci kancelarijskog materijala, između Ugovornog organa i svih kvalifikovanih ponuđača u predmetnom postupku.

PROCIJENJENA VRIJEDNOT OKVIRNOG SPORAZUMA

Član 2.

Realizacija Okvirnog sporazuma će zavistiti od potreba Ugovornog organa i raspoloživih finansijskih sredstava, s tim da ukupna plaćanja po osnovu svih pojedinačnih ugovora sklopljenih na osnovu ovog Okvirnog sporazuma ne može prelaziti procijenjenu vrijednost nabavke u iznosu od 30.000,00 KM bez PDV-a.

VAŽENJE OKVIRNOG SPORAZUMA

Član 3.

(1) Ovaj Okvirni sporazum se zaključuje na period od tri godine, počev od dana 29.11.2020. godine.

(2) Tokom perioda važenja ovog Okvirnog sporazuma Ugovorni organ će se zaključivati više pojedinačnih Ugovora, u zavisnosti od stvarnih potreba Ugovornog organa (u pogledu procijene količine).

USLOVI ZAKLJUČIVANJA POJEDINAČNIH UGOVORA

Član 4.

(1) Ugovorni organ će nakon provedenog postupka mini tenderisanja zaključivati pojedinačne ugovore sa kvalifikovanim ponuđačima.

(2) U postupku mini tenderisanja Ugovorni organ će uputiti zahtjev za dostavu ponuda svim kvalifikovanim ponuđačima sa kojima je zaključen ovaj Okvirni sporazum i utvrditi rokove za dostavu ponuda.

